

摛藻堂四庫全書薈要

史部

欽定四庫全書叢要

史部

資治通鑑卷一百九十三



詳校官編修臣汪鏞

欽定四庫全書 資治通鑑要卷七千一百七十九

史部

資治通鑑卷一百九十三 宋 司馬光 撰

胡三省 音註

唐紀九起著雍困敦九月盡重光單閼凡三年有奇

太宗文武大聖大廣孝皇帝上之中

貞觀二年九月丙午初令致仕官在本品之上

按唐會要是時

詔内外文武官年老致仕者參朝之班宜在本品見任之上觀古玩翻

上曰比見羣臣

屢上表賀祥瑞比毗至翻上時掌翻夫家給人足而無瑞不害為

堯舜百姓愁怨而多瑞不害為桀紂

夫音扶

後魏之世吏

焚連理木煮白雉而食之豈足為至治乎

治直

丁未詔

自今大瑞聽表聞

按儀制令凡景星慶雲為大瑞其名物六十有四白狼赤兔為上瑞具名

物三十有八蒼鳥朱鴈為中瑞其名物二嘉禾芝草木連理為下瑞其名物三十

自外諸瑞

申所司而已

唐六典禮部郎中凡祥瑞應見皆辨其物名

嘗有白鵲構巢於

寢殿槐上合歡如腰鼓

合音閻

左右稱賀上曰我常笑隋

煬帝好祥瑞

好呼劉翻

瑞在得賢此何足賀命毀其巢縱鵲

於野外

天少雨

少詩沼翻

中書舍人李百藥上言

上時掌翻

往

年雖出宮人竊聞太上皇宮及掖庭宮人無用者尚多

豈惟虛費衣食且陰氣鬱積亦足致旱上曰婦人幽閉

深宮誠為可愍灑掃之餘亦何所用

灑所賣翻掃素

皆出之任求伉儷

伉苦浪翻儷郎計翻

於是遣尚書左丞戴胄給

事中洹水杜正倫

洹水縣周建德六年分臨漳東北界置屬魏州洹于元翻

於掖庭

西門簡出之

拔音亦

前後所出三千餘人

已未突厥寇

邊

厥九勿翻

朝臣或請修古長城

古長城秦蒙恬所築者也自漢至隋沿邊所築城障

非一處而長城之延袤未有如秦者也朝直達

翻

發民乘堡障上曰突厥災異

相仍頡利不懼而修德暴虐滋甚骨肉相攻亡在朝夕

朕方為公掃清沙漠為于偽翻安用勞民遠修障塞乎士

申以前司農卿竇靜為夏州都督夏戶雅翻靜在司農少卿

趙元楷善聚斂少始照贍翻下重斂同力靜鄙之對官屬大言曰

司農官屬有丞主簿上林太倉鈞盾藥官四署令丞太倉永豐龍門等倉司竹慶善石門溫泉湯等監京都諸宮苑總監諸園苑監苑四面監九成宮監諸鹽池監諸屯鹽各有監副鹽丞苑總監又有主簿諸鹽池諸屯監

無副

隋煬帝奢侈重斂司農非公不可今天子節儉愛

民公何所用哉元楷大慙上問王珪曰近世為國者

益不及前古何也對曰漢世尚儒術宰相多用經術士

故風俗淳厚近世重文輕儒參以法律此治化之所以

益衰也

治直
吏翻

上然之

冬十月御史大夫參預朝政安

吉襄公杜淹薨

朝直
翻下同

交州都督遂安公壽以貪得

罪

遂安公壽
宗室也

上以瀛州刺史盧祖尚才兼文武廉平公

直徵入朝諭以交趾久不得人須卿鎮撫祖尚拜謝而

出既而悔之辭以舊疾上遣杜如晦等諭旨曰匹夫猶

敷然諾

敷然諾猶重然諾也
言既許人則必踐言

奈何既許朕而復悔之祖

尚固辭戊子上復引見諭之

復扶又翻
見賢遍翻

祖尚固執不可

上大怒曰我使人不行何以為政命斬於朝堂

閣本太極宮圖

東西朝堂在承天門左右承天門外朝也東朝堂之前有肺石西朝堂之前有登聞鼓

尋悔之他

日與侍臣論齊文宣帝何如人魏徵對曰文宣狂暴然

人與之爭事理屈則從之有前青州長史魏愷使於梁

還除光州長史不肯行

長知兩翻使疏吏翻下同

楊遵彥奏之文宣

怒召而責之愷曰臣先任大州使還有勞無過更得小

州此臣所以不行也文宣顧謂遵彥曰其言有理卿赦

之此其所長也

楊愔字遵彥相齊文宣帝大見親任

上曰然鄺者盧祖尚

雖夫人臣之義朕殺之亦為太暴由此言之不如文宣

矣命復其官蔭

復其官則得蔭其子若孫唐制凡用蔭一品子正七品上二品子正七品下三

品子從七品上從三品子從七品下正四品子正八品上從四品子正八品下正五品子從八品上從五品及

國公子從八品下三品以上蔭曾孫五品以上蔭孫孫降子一等曾孫降孫一等贈官降正官一等死事者與

正官同郡縣公子視從五品孫縣男以上子降一等勲官二品子入降一等二王後孫視正三品

徵狀

貌不逾中人而有膽畧善回人主意每犯顏苦諫或逢上怒甚徵神色不移上亦為震威

人主之威重於雷霆聲威言猶雨霽則雷

定亦收威
為于偽翻

嘗謁告上冢

上時掌翻

還言於上曰人言陛下欲

幸南山外皆嚴裝已畢而竟不行何也上笑曰初實有
此心畏卿嗔故中輒耳

嗔昌真翻

上嘗得佳鵠自臂之望見

徵來匿懷中徵奏事固久不已鵠竟死懷中十一月

辛酉上祀圜丘

武德元年制每歲冬至祀昊天上帝帝於圜丘以景皇帝配

十二月

壬午以黃門侍郎王珪為守侍中上嘗間居

間讀曰閑

與珪

語有美人侍側上指示珪曰此廬江王瑗之姪也

廬江王瑗

反死見一百九十一卷

武德九年瑗于春翻 琦殺其夫而納之珪避席曰陞

下以廬江納之為是邪非邪

邪音耶

上曰殺人而取其妻

卿何問是非對曰昔齊桓公知郭公之所以亡由善善

而不能用然棄其所言之人管仲以為無異於郭公

齊桓

公見郭氏之墟問父老曰郭何故亡對曰善善惡惡公

曰若子之言何至於亡對曰善善而不能用惡惡而不

能去此其所以亡也今此美人尚在左右臣以為聖心是之也上

悅即出之還其親族

考異曰實錄新舊書皆云帝雖不出此美人而甚重其言按太宗

賢主既重珪言何得反棄而不用乎且是人汎侍左右又非嬖寵著名之人太宗何愛而留之今從貞觀政要

上使太常少卿祖孝孫教宮人音樂不稱旨

少始照翻稱尺證翻

上責之溫彥博王珪諫曰孝孫雅士今乃使之教宮人

又從而譴之臣竊以為不可上怒曰朕寘卿等於腹心

當竭忠直以事我乃附下罔上為孝孫遊說邪

為于偽翻說輸

苟

彥博拜謝珪不拜曰陛下責臣以忠直今臣所言豈

私曲邪

邪 音耶

此乃陛下負臣非臣負陛下上默然而罷

明日上謂房玄齡曰自古帝王納諫誠難朕昨責溫彥

博王珪至今悔之

考異曰魏文貞公故事太宗曰人皆以祖孝孫為知音今教聲曲多不

諧韻此其未至精妙為不存意乎乃勅所司令舉其罪公進諫曰陛下生平不愛音聲今忽為教女樂責孝孫

臣恐天下怪愕太宗曰汝等並是我心腹應須中正何
乃附下罔上為孝孫解溫彥博等拜謝公及王珪進曰
陛下不以臣等不肖置之樞近令臣所言豈是為私不
意陛下責臣至此常奉明旨勿以臨時嗔怒即便曲從
成我大過臣等不敢失墜所以每觸龍鱗今以為責只
是陛下負臣臣終不負陛下太宗怒未已懔然作色公
又曰祖孝孫學問立身何如白明達陛下平生禮遇孝
孫復何如白明達今過聽一言便謂孝孫可疑明達可
信臣恐羣臣衆庶有以窺陛下太宗怒乃解令從舊傳

上曰為朕養民者唯在都督刺史朕常疏其
名於屏風坐卧觀之得其在官善惡之跡皆注於名下
偽翻下爲朕同上曰為朕養民者唯在都督刺史朕常疏其
名於屏風坐卧觀之得其在官善惡之跡皆注於名下

以備黜陟縣令尤為親民不可不擇乃命內外五品已上

各舉堪為縣令者以名聞 上曰比有奴告其主反者

比毗至翻

此弊事夫謀反不能獨為必與人共之何患不發

何必使奴告邪

邪音耶

自今有奴告主者皆勿受仍斬之

西突厥統葉護可汗為其伯父所殺伯父自立是為

莫賀咄侯屈利俟毗可汗

厥九勿翻 可從刊入聲汗音寒咄當沒翻俟渠之翻國

人不服弩失畢部推泥孰莫賀設為可汗

西突厥有五弩失畢部泥

孰亦一啜之帥

泥孰不可統葉護之子咥力特勒

咥徒結翻又丑栗翻

避莫賀咄之禍亡在康居泥孰迎而立之是為乙毗鉢

羅肆葉護可汗與莫賀咄相攻連兵不息俱遣使來請

昏使疏
吏翻

上不許曰汝國方亂君臣未定何得言昏且諭

以各守部分勿復相攻分扶間翻
復扶入翻

於是西域諸國及敕

勒先役屬西突厥者皆叛之

史言天方福華東西突厥皆亂厥九勿翻

突

厥北邊諸姓多叛頡利可汗歸薛延陀共推其俟斤夷

男為可汗

頡奚結翻
俟渠之翻

夷男不敢當上方圖頡利遣遊擊

將軍喬師望間道齋冊書拜夷男為真珠毗伽可汗

間吉

覓翻伽求迦翻

賜以鼓

纛

纛徒

到翻

夷男大喜遣使入貢

使疏
吏翻

建牙

於大漠之鬱督軍山下東至靺鞨西至西突厥南接沙

磧

靺音末
鞨音
曷磧七
迹翻

北至俱倫水迴紇拔野古阿跌同羅僕

骨雷諸部皆屬焉

史言突厥衰而薛延陀
彊於漠北
雷而立
翻

三年春正月戊午上祀太廟癸亥耕藉於東郊

初議藉
田方面

所在給事中孔頴達曰禮天子藉田於南郊諸侯於東
郊昔武帝猶於東南今於城東不合古禮帝曰禮緣人
情亦何常之有且虞書云平秩東作則是堯舜敬授人
時已在東矣又乘青輶載黛耜者所以順於春氣故知
合於東方且朕見居少陽之地田於東郊蓋其宜也於
是遂定按帝自謂居少陽之地蓋以即位以來居東宮

也
藉秦
昔翻

沙門法雅坐妖言誅

妖一
遙翻

司空裴寂嘗聞其

言辛未寂坐免官遣還鄉里寂請留京師上數之曰

數所

具翻又所主翻計公勲庸安得至此直以恩澤為羣臣第一武

德之際貨賂公行紀綱紊亂皆公之由也

上皇聞帝此言其心為如

何紊音問但以故舊不忍盡法得歸守墳墓辛巳多矣寂遂

歸蒲州

裴寂本蒲州桑泉人

未幾又坐狂人信行言寂有天命寂

不以聞當死流靜州

武德四年以始安郡之龍平豪靜蒼梧郡之蒼梧置靜州靜平郡幾

居宜翻

會山羌作亂

以為山羌則當是劍南之靜州然劍南之靜州則當是劍南之靜州然劍南之靜州則當是劍南之靜州然劍

羌當作蠻之靜州則

或言劫寂為主上曰寂當死我生之必不然

也俄聞寂率家僮破賊上思其佐命之功徵入朝會卒

帥讀曰率朝直遙
翻下同卒子恤翻

二月戊寅以房玄齡為左僕射杜

如晦為右僕射以尚書右丞魏徵守祕書監參預朝政

三月己酉上錄繫囚有劉恭者頸有勝文自云當勝

天下坐是繫獄上曰若天將興之非朕所能除若無天

命勝文何為乃釋之 丁巳上謂房玄齡杜如晦曰公

為僕射當廣求賢人隨才授任此宰相之職也

唐六典
左右僕

射左右丞相之職也掌

總領六官紀綱百揆

比聞聽受辭訟

凡毗至翻下見比
未同

日

不暇給安能助朕求賢乎因敕尚書細務屬左右丞

屬文

欲翻付也唯大事應奏者乃閑僕射玄齡明達政事輔以文

學夙夜盡心惟恐一物失所用法寬平聞人有善若已

有之不以求備取人不以已長格物與杜如晦引拔士

類常如不及至於臺閣規模皆二人所定上每與玄齡

謀事必曰非如晦不能決及如晦至卒用玄齡之策蓋

玄齡善謀如晦能斷故也

卒子恤翻
斷丁亂翻

二人深相得同心

徇國故唐世稱賢相推房杜焉玄齡雖蒙寵待或以事

被譴輒累日詣朝堂稽願請罪恐懼若無所容

史言房玄齡忠

謹被皮義翻朝直遙翻稽音啟

玄齡監修國史上語之曰

唐以宰相監修國史至今

因之監工銜

比見漢書載子虛上林賦浮華無用其上

書論事詞理切直者朕從與不從皆當載之

太宗之存心如此安

有有獻而不納者乎上時掌翻

夏四月乙亥上皇徙居弘義宮更名

大安宮

唐會要武德五年營弘義宮以帝有魁定天下之功別建此宮以居之既禪位高祖以弘義宮

有山林勝景雅好之遂徙居焉改名大安宮

馬周所謂大安宮在城之西者也更工銜翻

上始御太

極殿

高祖之傳位也帝即位於東宮之顯德殿高祖徙居大安宮帝始御太極殿

謂羣臣曰

中書門下機要之司詔敕有不便者皆應論執比來唯

賜順從不聞違異若但行文書則誰不可為何必擇才

也房玄齡等皆頓首謝故事凡軍國大事則中書舍人

各執所見雜署其名謂之五花判事中書侍郎中書令

省審之給事中黃門侍郎駁正之上始申明舊制由是

鮮有敗事

省悉景翻駁北

莊平人馬周

莊平縣漢屬東郡應劭曰

在莊山之平地者也後魏屬東平原郡後齊廢隋開皇

初復置屬貝州唐屬博州

賢曰漢莊平故城在博州之

聊城縣東北

莊仕疑翻

客遊長安舍於中郎將常何之家

唐諸衛中郎將

正四品下

將即亮翻

六月壬午以旱詔文武官極言得失何武人

不學不知所言周代之陳便宜二十餘條

考異曰舊傳云貞觀五

年據實錄詔在此年五年不見有
詔令百官上封事今從唐歷附此

上怪其能以問何對

曰此非臣所能家客馬周為臣具草耳

為于偽翻

上即召之

未至遣使督促者數輩及謁見與語甚悅令直門下省

尋除監察御史奉使稱旨

鄭樵曰秦以御史監郡謂之
監察御史漢罷其名晉孝武

太元中始置檢校御史掌行馬外事隋改檢校御史為
監察御史使疏吏翻見賢遍翻監工銜翻使疏吏翻下

同稱尺上以常何為知人賜絹三百匹

秋八月己巳

證翻

朔日有食之 丙子薛延陁毗伽可汗

伽求迎翻 可從
刊入聲 汗音寒

遣其弟統特勒入貢上賜以寶刀及寶鞭謂曰卿所部

有大罪者斬之小罪者鞭之夷男甚喜突厥頡利可汗

大懼始遣使稱臣請尚公主修壻禮代州都督張公謹

上言突厥可取之狀以為頡利縱欲逞暴誅忠良暱姦

佞一也

頡奚結翻 上時
掌翻 暱尼質翻

薛延陁等諸部皆叛二也

薛延
陁諸

部叛突厥事
見上卷二年

突利拓設欲谷設皆得罪無所自容三也

突利得罪見上卷二年 拓設即阿史那社爾與欲谷設
分統敕勒諸部欲谷設即為回紇所破者也 按舊書李

大亮傳 頡利既亡之後 拓設諸種散在伊吾

塞北霜早糇糧乏絕四也

糇音侯

頡利疎其族類親委諸番其人反覆大軍一臨必生內變五也 華人入北其衆甚多

華人因隋末之亂避而入北

比聞所在

嘯聚保據山險大軍出塞自然響應六也

比毗至翻

上以頡

利可汗既請和親復援梁師都

事見上卷二年復扶突厥

丁亥命兵

部尚書李靖為行軍總管討之以張公謹為副九月丙午突厥俟斤九人帥三千騎來降戊午拔野古僕骨同

羅奚酋長並帥衆來降

厥九勿翻俟渠之翻帥讀曰率騎奇寄翻降戶江翻首慈由翻

長知
兩翻

冬十一月辛丑突厥寇河西肅州刺史公孫武

達

武德二年分甘州之福祿瓜州之玉門置肅州酒泉郡

甘州刺史成仁重與戰

破之

甘肅二州相去四百二十里

捕虜千餘口

上遣使至涼州都

督李大亮有佳鷹

使者諷大亮使獻之大亮密表曰

陛下久絕畋遊而使者求鷹

使疏吏

若陛下之意深乖昔

昔

昔者謂絕遊之旨

如其自擅乃是使非其人癸卯上謂侍臣

曰李大亮可謂忠直手詔褒美賜以胡餅及苟悅漢紀

按舊書李大亮傳帝詔曰今賜卿胡餅一枚雖無千鎰之重乃朕自用之物苟悅漢紀叙致既明論議深博極

為治之體盡君臣之義

今以賜卿宜加尋閱

為通漢道行軍總管

舊書李勣傳作通漢道當從之後高宗朝裝行儉遣兵由通漢道掩

取阿史那

伏念輜重

兵部尚書李靖為定襄道行軍總管華州刺

史柴紹為金河道行軍總管

華戶化翻靈州大都督薛萬徹

為暢武道行軍總管

暢武非地名也營州邊於東胡故命萬徹為總管使之宣暢威武以

美名寵之耳新書帝

紀

作營州都督薛萬叔

衆合十餘萬皆受世勣節度分道

出擊突厥乙丑任城王道宗擊突厥於靈州破之

任音王

十二月戊辰突利可汗入朝

朝直遙翻

上謂侍臣曰往者太

上皇以百姓之故稱臣於突厥

事見一百八十四卷隋恭帝義寧元年六月一

本此下有考異朕常痛心今單于稽颡庶幾可雪前耻

稽音啟幾居希

壬午靺鞨遣使入貢

靺音末鞨音曷使疏吏翻

上曰靺鞨遠來蓋

突厥已服之故也昔人謂禦戎無上策

嚴尤諫王莽曰匈奴為害所從

未久周秦漢征之皆未有得上策者也周得中策漢得下策秦無策焉

朕今治安中國而

四夷自服豈非上策乎癸未右僕射杜如晦以疾

遜位上許之

乙酉上問給事中孔穎達曰論語以能問

於不能以多問於寡有若無實若虛

曾子之言

何謂也穎達

具釋其義以對且曰非獨匹夫如是帝王亦然帝王內
蘊神明外當玄默故易稱以蒙養正以明夷易曰
養正聖功也明夷君子以莅衆用晦而明

若位居尊極炫耀聰明炫熒絹翻以才

陵人節非拒諫則下情不通取亡之道也上深善其言

庚寅突厥射設帥所部來降

厥九勿翻
降戶江翻

閏月丁

未東謝酋長謝元深南謝酋長謝強來朝諸謝皆南蠻

別種在黔州之西

東謝蠻在西豐之南居黔州之西三百里南謝蠻在隋牂柯郡地南百里

有桂領閼酋慈由翻長知兩翻朝直遙翻下同種輩勇翻黔音琴

詔以東謝為應州南

謝為莊州隸黔州都督

宋白曰黔州黔中郡秦置漢通謂五溪之地又為武陵郡之西

陽縣地武帝於此置涪陵縣蜀先主立黔安郡後周建德三年置黔州貞觀四年移州治於涪陵江東彭水之

東

是時遠方諸國來朝貢者甚衆服裝詭異中書侍郎

顏師古請圖寫以示後作王會圖從之

考異曰實錄新舊傳皆云正

會圖按汲冢周書有王會篇柳宗元銳鼓

歌呂述點夏斯朝貢圖皆作王會今從之

乙丑牂柯首

長謝能羽及充州蠻入貢

牂音藏

詔以牂柯為牂州

昆明

東九百里即牂柯蠻國其王號鬼主其別帥曰羅殿王東距辰州二千四百里其南一千五百里即交州也牂

州之北一百五十里有別部曰充州蠻牂柯音臧哥

黨項酋長細封步賴來降以

其地為軌州各以其酋長為刺史黨項地亘三千里姓
別為部不相統壹細封氏費聽氏往利氏頗超氏野辭
氏旁當氏米擒氏拓跋氏皆大姓也步賴既為唐所禮
餘部相繼來降以其地為岷奉巖遠四州

党項漢西羌別種魏晉後

微甚周滅宕昌鄧至而黨項始強其地古析支也東距
松州西葉護南春桑赤渠等羌北吐谷渾山谷崎嶇大
抵三十里拓跋氏之後為西夏李繼遷黨

底朗翻首慈由翻長知兩翻降戶江翻

是歲戶部

奏中國人自塞外歸及四夷前後降附者男女一百二

十餘萬口

房玄齡王珪掌內外官考唐考法凡百司之長歲致其屬

功過差以九等流內之官叙以四善一曰德義有聞二曰清慎明著三曰公平可稱四曰恪勤匪懈善狀之外有二十七最一曰獻可替否拾遺補闕為近侍之最二曰銓衡人物擢盡才良為選司之最三曰揚清激濁褒貶必當為考校之最四曰禮制儀式動合經典為禮官之最五曰音律克諧不失節奏為樂官之最六曰決斷不滯與奪合理為判事之最七曰部統有方警守無失為宿衛之最八曰兵士調習戎裝充備為督領之最九曰推鞫得情處斷平允為法官之最十曰警校精審明於刊定為校正之最十一曰承旨敷奏吐納明敏為宣納之最十二曰訓導有方生徒克業為學官之最十三曰賞罰嚴明攻戰必勝為軍將之最十四曰禮義興行文史之最十六曰訪察精審彈舉必當為糾正之最十七曰明於勘覆稽失無隱為勾檢之最十八曰職事修理供承彊濟為監察之最十九曰功課皆充丁匠無怨

為役使之最二十曰耕耨以時收獲成課為屯官之最
二十一曰謹於蓋藏明於出納為倉庫之最二十二曰
推步盈虛究理精密為厯官之最二十三曰占候醫卜
效驗多著為方術之最二十四曰檢察有方行旅無壅
為關津之最二十五曰市廛弗擾姦濫不行為市司之
最二十六曰牧養肥碩蕃息滋多為牧官之最二十七
曰邊境清肅城隍修理為鎮防之最一最四善為上上
一最三善為上中一最二善為上下無最而有二善為
中上無最而有一善為中中職事粗理善最不聞為中
下愛憎任情處斷乖理為下上背公向私職事廢闕為
下中居官詐貪濁有狀為下下凡定考皆集於尚書省唱第然後奏

治書侍御史萬年

權萬紀奏其不平

治直之翻

上命侯君集推之魏徵諫曰玄

齡珪皆朝廷舊臣素以忠直為陛下所委所考既多其

間能無一二人不當當丁浪翻察其情終非阿私若推得其

事則皆不可信豈得復當重任且萬紀比來恒在考堂

曾無駁正

復扶又翻比毗至恒戶登翻

及身不得考乃始陳論此正

欲激陛下之怒非竭誠徇國也使推之得實未足裨益

朝廷若其本虛徒失陛下委任大臣之意臣所愛者治

體治直吏翻非敢苟私二臣上乃釋不問

濮州刺史龐相

壽坐貪污解任

漢博木翻

自陳嘗在秦王幕府上憐之

欲聽還舊任魏徵諫曰秦王左右中外甚多恐人人皆

恃恩私足使為善者懼上欣然納之謂相壽曰我昔為秦王乃一府之主今居大位乃四海之主不得獨私故

人大臣所執如是朕何敢違賜帛遣之相壽流涕而去

四年春正月李靖帥驍騎三千自馬邑進屯惡陽嶺

惡陽

嶺在定襄古城南善陽嶺在白道川

舊志

南帥讀曰率驍堅堯翻騎竒寄翻

夜襲定襄破之

舊志

朔州馬邑郡治善陽縣漢定襄縣地有秦時馬邑城武周塞後魏置桑乾郡隋置善陽縣人隋志雲州定襄郡

治大利城即文帝所築以處突厥突厥民可汗者也李靖所襲破者當是此城唐謂之北定襄城又舊志曰雲州隋馬邑郡之雲內縣恒安鎮也貞觀十四年自朔州北定襄城移雲州及定襄縣置於此即後魏所都平城也

開元二十年改定襄為雲中縣而武德四年已分忻州之秀容為定襄縣今見於九域志者忻州之定襄而北定襄自石晉割地入于北國其名晦矣宋祁曰古定襄城其地南大河北白道畜牧廣衍龍荒之最壤宋白曰朔州北三百餘里定襄故城後魏初之雲中也突厥頡利可汗不意靖猝至九勿翻韻奚結翻可從刊入聲汗音寒大驚曰唐不傾國而來靖何敢孤軍至此其衆一日數驚乃徙牙於磧口大磧之口也靖復

遣謀離其心腹

復扶又翻
謀達協翻

頡利所親康蘇密以隋蕭后

及煬帝之孫政道來降

蕭后入突厥見一百八十八卷
高祖武德二年降戶江翻下同

乙亥至京師先是有降番言中國人或潛通書啟於蕭

後者先悉
薦翻至是中書舍人楊文瓘請鞠之上曰天下未

定突厥方彊愚民無知或有斯事今天下已安既往之

罪何須問也李世勣出雲中與突厥戰於白道大破之

漢地理志雲中郡治雲中縣酈道元曰雲中城東八十里有成樂城今雲中郡治一名石盧城又有後魏雲中宮在雲中故城東四十里虞氏記云趙武侯自五原河曲築長城東至陰山又於河西造一大城其一箱崩不就乃改卜陰山河曲而禱焉晝見羣鵠遊於雲中徘徊經日見大光在其下武侯曰此為我乎乃即其處築城今雲中故城是也又有苦干水出塞外南逕陰山東西千餘里苦干水入西南逕白道南谷口有城在石紫帶長城背山西澤謂之白道自北出有高阪謂之白道嶺苦干水又南西逕雲中城北新志雲州雲中縣有陰山

道青坡道皆出兵路宋白曰漢雲中郡在唐勝州東北四十里榆林縣界雲中故城是也趙武侯所築漢五原故城亦在今勝州榆林縣界

二月己亥上幸驪山溫湯

驪力
知翻

甲

辰李靖破突厥

厥九勿翻
可從
韻奚結翻
入聲汗音寒

利可汗於陰山

鐵山
蓋在陰山
北先悉薦翻

餘衆尚數萬

遣執失思力入見謝罪請舉國內附身自入朝

見賢遍
翻朝直

翻上遣鴻臚卿唐儉等慰撫之又詔李靖將兵迎頡利

臚陵如翻
將即亮翻

頡利外為卑辭內實猶豫欲俟草青馬肥亡

入漠北靖引兵與李世勣會白道相與謀曰

考異曰

舊書靖傳

以為謀出於靖勣傳以為謀出於勣蓋相與謀耳

頡利雖敗其衆猶盛若走度

磧北保依九姓

新書回鶻傳有九姓曰藥羅葛曰胡咄

葛薩曰斛溫素曰藥勿葛曰奚邪勿

此回紇後來彊盛

所服九姓是時所謂九姓即謂拔野古延陁回紇之屬

道阻且遠追之難及今詔使至彼

使疏吏翻

虜必自寬若選

精騎一萬齋二十日糧往襲之不戰可擒矣

騎奇以其寄翻

謀告張公謹公謹曰詔書已許其降

降江翻

使者在彼奈

何擊之靖曰此韓信所以破齊也

謂漢遣酈食其說下齊韓信乘其無備襲

破之使疏吏翻

唐儉輩何足惜遂勒兵夜發世勣繼之軍至陰

山遇突厥千餘帳俘以隨軍頡利見使者大喜意自安

靖使武邑蘇定方帥二百騎為前鋒

武邑縣前漢屬信都後漢屬安平晉

屬武邑郡後齊廢隋開皇六年復置屬冀州帥讀曰率下同

乘霧而行去牙帳七里

虜乃覺之頡利乘千里馬先走靖軍至虜衆遂潰

考異曰

舊書靖傳曰靖軍逼其牙帳十五里虜始覺定方傳曰靖使定方為前鋒乘霧而行去賊一里許忽然霧歇望見其牙帳掩擊殺數十百人

頡利畏威先走今從唐歷

唐儉脫身得歸靖斬首萬

餘級俘男女十餘萬獲雜畜數十萬

畜許救翻

殺隋義成公

主擒其子疊羅施頡利帥萬餘人欲度碛李世勣軍於

磧口韻利至不得度其大酋長皆帥衆降

韻奚結翻帥
讀曰率磧七

述世勣虜五萬餘口而還

還從宣翻
入如字

斥地自陰山北至

大漠

此後方盡有隋
恒安定襄之地

露布以聞

丙午上還宮

甲寅

以克突厥赦天下

厥九勿翻

以御史大夫溫彥博為中書令

守侍中王珪為侍中守戶部尚書戴胄為戶部尚書參

預朝政太常少卿蕭瑀為御史大夫與宰臣參議朝政

朝直述翻少詩
照翻瑀音禹

三月戊辰以突厥夾畢特勒阿史那

思摩為右武候大將軍四夷君長詣闕請上為天可汗

長知兩翻下同可
從刊入聲汗音寒

上曰我為大唐天子又下行可汗事

乎羣臣及四夷皆稱萬歲是後以璽書賜西北君長皆
稱天可汗里斯
瓦翻 庚午突厥思結俟斤帥衆四萬來降渠

之丙子以突厥可汗為右衛大將軍北平郡王初始畢

可汗以啟民母弟蘇尼失為沙鉢羅設督部落五萬家

牙直靈州西北及頡利政亂蘇尼失所部獨不攜貳尼

夷突利之來奔也見去年十二月頡利立之為小可汗及頡利

敗走往依之將奔吐谷渾吐從瞰入聲谷音浴大同道行軍總管

任城王道宗引兵逼之

新志曰 黃河東流有古大同城
今大同城 永濟橋也 北逕大泊

十七里至金

使蘇尼失執送額利額利以數騎夜走匿

於荒谷

韻吳結翻
騎奇寄翻

蘇尼失懼馳追獲之庚辰行軍副總

管張寶相帥衆奄至沙鉢羅營俘額利送京師蘇尼失

舉衆來降

帥讀曰率 考異曰太宗實錄云蘇尼失舉
衆歸國因以額利屬於軍吏舊傳云蘇尼失

令子忠擒額利以獻蓋寶相
逼之而蘇尼失使忠獻之也

漠南之地遂空

蔡成公

杜如晦疾篤

杜如晦先封蔡國公薨後徙封萊國公賀
琛謚法佐相克終曰成民和臣福曰成

上遣太子問疾又自臨視之甲申薨上每得佳物輒思

如晦遣使賜其家

使疏更翻

久之語及如晦必流涕謂房玄

齡曰公與如晦同佐朕今獨見公不見如晦矣

突厥

頡利可汗至長安

厥勿翻

夏四月戊戌上御順天樓

舊書帝紀

日御順天門唐六典皇城南門中曰承天門隋開皇二年作初日廣陽門仁壽元年改曰昭陽門武德元年改曰順天門神龍元年改曰承天門若元正冬至大陳設燕會散過宿罪除舊布新受萬國之朝貢四夷之賓客則御承天門以聽政蓋古之外朝也順天樓即順天門樓

盛陳文物引見頡利數之

曰汝藉父兄之業縱淫虐以取亡罪一也數與我盟而背之二也恃彊好戰暴骨如莽三也躁我稼穡掠我子

女四也我宥汝罪存汝社稷而遷延不来五也然自便

橋以來不復大入為寇

便橋事見一百九十一卷高祖武德九年見賢遍翻數所具翻

又所主翻數與所角翻背蒲妹翻好呼報翻暴步卜翻復扶又翻下復何同躁人九翻

以是得不

死耳頡利哭謝而退詔館於太僕厚廩食之

館古換翻食讀曰飲

上皇聞擒頡利歎曰漢高祖困白登不能報今我子能

滅突厥吾託付得人復何憂哉

復扶又翻

上皇召上與貴臣

十餘人及諸王妃主置酒凌煙閣

閣本太極宮圖兩儀殿之北為延嘉殿延

嘉殿之東為功臣閣功臣閣之東為凌煙閣

酒酣上皇自彈琵琶上起舞公

卿迭起為壽逮夜而罷突厥既亡

厥九勿翻

其部落或北附

薛延陁或西奔西域其降唐者尚十萬口詔羣臣議區

處之宜

降戶江翻下同處昌呂翻

朝士多言邊番自古為中國患今

幸而破亡宜悉徙之河南充豫之間

此充豫言禹迹九州大界也朝直遙

翻分其種落

種章勇翻下種類同

散居州縣教之耕織可以化胡

虜為農民永空塞北之地中書侍郎顏師古以為突厥

鐵勒皆上古所不能臣陛下既得而臣之請皆寘之河

北

河北謂北河之北

分立酋長領其部落則永永無患矣

首慈由翻

長知兩翻下同 禮部侍郎李百藥以為突厥雖云一國然其種類區分各有酋帥

帥所類翻

今宜因其離散各即本部署為

君長

長知兩翻

不相臣屬縱欲存立阿史那氏唯可使存其

本族而已國分則弱而易制勢敵則難相吞滅各自保

全必不能抗衡中國仍請於定襄置都護府為其節度

此安邊之長策也

首患秋翻長知兩翻易以政翻下未易易為同

夏州都督竇

靜

夏戶雅翻

以為邊塞之民其性反覆不可以刑法威不可

以仁義教況彼首丘之情未易忘也

首式又翻記曰死正丘首

置

之中國有損無益恐一旦變生犯我王略莫若因其破

亡之餘施以望外之恩假之王侯之號妻以宗室之女

妻七
細翻

分其土地析其部落使其權弱勢分易為羈制可

使常為藩臣永保邊塞

易以
政翻

溫彥博以為徙於兗豫之間則乖違物性非所以存養之也請準漢建武故事置

降匈奴於塞下全其部落順其土俗以實空虛之地使

為中國扞蔽策之善者也魏徵以為突厥世為寇盜百

姓之讎也

厥九
勿翻

今幸而破亡陛下以其降附不忍盡殺

宜縱之使還故土不可留之中國夫邊番心難忖度弱

則請服彊則叛亂固其常性

降戶江翻

今降者衆近十萬數

年之後蕃息倍多

近其新翻
蕃扶元翻

必為腹心之疾不可悔也

晉初諸番與民雜居中國郭欽江統皆勸武帝驅出塞

外以絕亂階

郭欽論見八十一卷晉武帝太康元年江統論見八十三卷惠帝永熙九年

武

帝不從後二十餘年伊洛之間遂為檀裘之域此前事

之明鑑也彥博曰王者之於萬物天覆地載靡有所遺

救翻今突厥窮來歸我奈何棄之而不受乎孔子曰有

覆數

教無類若救其死亡授以生業教之禮義數年之後悉

為吾民選其首長使入宿衛

荀慈由 長知兩翻

畏威懷德何後

患之有上卒用彥博策處突厥降衆

辛子恤昌呂翻

東自幽

州西至靈州分突利故所統之地置順祐化長四州都

督府又分頡利之地為六州左置定襄都督府右置雲

中都督府以統其衆

定襄都督府 僑治寧朔雲中都督府 僑治朔方之境 按寧朔縣亦屬

朔方郡舊書溫彥博傳曰帝從彥博議處降人於朔方之地則二都督府僑治朔方明矣

五月辛未

以突利為順州都督使帥部落之官

順州僑治營州南之五柳戍帥讀曰

率上戒之曰爾祖啟民挺身奔隋隋立以為大可汗奄

有北荒

事見一百七十八卷隋文帝開皇十九年可從刊入聲汗音寒

爾父始畢反為

隋患

事見一百八十二卷煬帝大業十一年

天道不容故使爾今日亂亡

如此我所以不立爾為可汗者懲啟民前事故也今命

爾為都督爾宜善守國法勿相侵掠非徒欲中國久安

亦使爾宗族永全也壬申以阿史那蘇尼失為懷德郡

王阿史那思摩為懷化郡王頡利之亡也

頡奚結翻諸部落

酋長皆棄頡利來降

首慈由翻長知兩翻降戶江翻

獨思摩隨之竟與

頡利俱擒上嘉其忠拜右武候大將軍尋以為北開州

都督使統頡利舊衆

考異曰舊傳云為化州都督按化州乃突厥故地安得云統頡利

部落

丁丑以右武衛大將軍史大柰為豐州都督

隋以五原

郡置豐州大業初廢唐初派長驛降復置豐州尋廢是年復以突厥降戶置豐州九原郡

其餘酋長

至者皆拜將軍中郎將布列朝廷

將即亮翻朝直還翻

五品已上

百餘人殆與朝士相半因而入居長安者近萬家

近其新翻

辛巳詔自今訟者有經尚書省判不服聽於東宮上

啟委太子裁決

上時掌翻

若仍不伏然後聞奏丁亥御史

大夫蕭瑀劾奏李靖破頡利牙帳御軍無法突厥珍物

虜掠俱盡請付法司推科

瑀音禹 劍戶槩翻 又戶得翻
下同 頡奚結翻 歲九勿翻

考異曰舊傳御史大夫溫彥博害其功譖靖軍無綱紀致令虜中竊寶散於亂兵之手據寶錄彥博二月已為中書令三月始禽

上特敕勿劾及靖入見

見賢遍翻

上大加

責讓靖頓首謝久之上乃曰隋史萬歲破達頭可汗有

功不賞以罪致戮

可從刊入聲汗音寒事見一百一十九卷

清文帝開皇二十年

朕則

不然錄公之功赦公之罪加靖左光祿大夫賜絹千匹

加真食邑通前五百戶未幾上謂靖曰前有人讒公今

朕意已寤公勿以為懷復賜絹二千匹

幾居豈翻復扶人翻

林

邑獻火珠

唐書婆利東有羅利國其人極陋朱髮黑身獸牙鷹爪與林邑一作市以夜而來自掩其

西其國出火珠狀如水精日午時以珠承日影以艾承之則火出

有司以其表辭不順

請討之上曰好戰者亡

好呼到翻

隋煬帝頡利可汗皆耳目

所親見也小國勝之不武況未可必乎語言之間何足

介意六月丁酉以阿史那蘇尼失為北寧州都督以

中郎將史善應為北撫州都督

尼女夷翻將即亮翻

壬寅以右驍

衛將軍康蘇為北安州都督

此三州與祐化長北開四州後皆省史善應亦阿史

那種史單書其
姓耳駢堅充翻

中張玄素上書諫

上時掌翻

以為洛陽未有巡幸之期而預

修宮室非今日之急務昔漢高祖納婁敬之說自洛陽

遷長安

事見十一卷漢高帝五年

豈非洛陽之地不及關中之形勝

邪

邪耶和音

景帝用晁錯之言而七國構禍

事見十六卷漢景帝三年晁直

遙翻錯七故翻

陛下今處突厥於中國

處昌呂翻突厥九勿翻

突厥之親何

如七國豈得不先為憂而宮室可遽興乘輿可輕動哉

乘絕證翻

臣見隋氏初營宮室近山無大木皆致之遠方二

千人曳一柱以木為輪則戛摩火出乃鑄鐵為轂行一
二里鐵轂輒破別使數百人齊鐵轂隨而易之

轂古
綠翻
盡

日不過行二三十里計一柱之費已用數十萬功則其

餘可知矣陛下初平洛陽凡隋氏宮室之宏侈者皆令

毀之

見一百八十九卷高祖
武德四年令力丁翻

曾未十年復加營繕何前

日惡之而今日效之也

復狀人翻
惡烏路翻

且以今日財力何如

隋世陛下役瘡痍之人襲亡隋之弊恐又甚於煬帝矣

上謂玄素曰卿謂我不如煬帝何如桀紂對曰若此役

不息亦同歸於亂耳上歎曰吾思之不熟乃至於是顧謂房玄齡曰朕以洛陽土中朝貢道均意欲便民故使營之今玄素所言誠有理宜即為之罷役為于後日或
偽翻

以事至洛陽雖露居亦無傷也仍賜玄素綵二百匹

秋七月甲子朔日有食之 乙丑上問房玄齡蕭瑀曰

隋文帝何如主也對曰文帝勤於為治每臨朝或至日

晏五品已上引坐論事衛士傳殮而食侍衛未得下牙不皇坐食故立

駐傳餐而食也治直吏翻下同朝直遷翻殮于安翻

雖性非仁厚亦勵精之主也

上曰公得其一未知其二文帝不明而喜察不明則照有不通喜察則多疑於物事皆自決不任羣臣天下至廣一日萬機雖復勞神苦形豈能一一中理羣臣既知主意唯取决受成雖有愆違莫敢諫爭此所以二世而亡也

喜許記翻復扶人翻
中竹仲翻爭讀曰諍朕則不然擇天下賢才寘之

百官使思天下之事關由宰相審熟便安然後奏聞有功則賞有罪則刑誰敢不竭心力以修職業何憂天下之不治乎因敕百司自今詔勅行下有未便者皆應執

奏毋得阿從不盡已意 癸酉以前太子少保李納為

太子少師以兼御史大夫蕭瑀為太子少傅

唐東宮三
少並正二步

品掌教諭太子少始照翻 瑞音禹

李納有足疾上賜以步輿

步輿即步挽輿也

使之乘至閣下數引入禁中問以政事

數所角翻

每至東宮

太子親拜之太子每視事上令納與房玄齡侍坐

坐祖

先是蕭瑀與宰相參議朝政

先悉薦翻 朝直遙翻

瑀氣剛而辭辯

房玄齡等皆不能抗上多不用其言

考異曰 舊傳云
玄齡等心知其是

不用其言按玄齡若用心如此安得為賢
相且事之用捨在太宗非由玄齡令不取

玄齡魏徵溫

彥博嘗有微過瑀劾奏之

勑戶槩翻
又戶得翻

上竟不問瑀由此

怏怏自失

瑀音禹快
於兩翻

遂罷御史大夫為太子少傅不復

預聞朝政

復扶又翻
朝直遙翻

西突厥種落散在伊吾

伊吾即漢
伊吾盧之

地在大磧外東至陽關二千七百三十里是年置伊吾縣及伊州伊吾郡於其地厥九勿翻種章勇翻

詔

以涼州都督李大亮為西北道安撫大使於磧口貯糧

此磧即伊吾東之磧使疏
吏翻磧七迹翻貯丁呂翻

來者賑給使者招慰相望於

道

賑津悉翻
使疏吏翻

大亮上言

上時掌翻

欲懷遠者必先安近中國

如本根四夷如枝葉疲中國以奉四夷猶拔本根以益

枝葉也臣遠考秦漢近觀隋室外事戎狄皆致疲弊今

招致西突厥但見勞費未見其益况河西州縣蕭條北涼

瓜沙肅等州皆河西也

突厥微弱以来始得耕種令又供億此役

民將不堪不若且罷招慰為便伊吾之地率皆沙磧其

人或自立君長求稱臣內屬者羈縻受之使居塞外為

中國藩蔽此乃施虛惠而收實利也上從之 八月丙

午詔以常服未有差等自令三品以上服紫四品五品

服紺六品七品服綠八品服青婦人從其夫色

自四品以下紺

綠青有深淺之異

九品則服淺青

甲寅詔以兵部尚書李靖為右僕

射靖性沈厚

沈侍林翻

每與時宰參議恂恂如不能言

突厥既亡營州都督薛萬淑遣契丹酋長貪沒折說諭東

北諸夷奚霑室韋等十餘部皆內附

說輸芮翻下同

萬淑

萬均之兄也 戊午突厥欲谷設來降

厥九勿翻降戶江翻

欲谷

設突利之弟也 頡利敗欲谷設奔高昌聞突利為唐所

禮遂來降 九月戊辰伊吾城主入朝

朝直遜翻

隋末伊吾

內屬置伊吾郡隋亂臣於突厥頡利既滅舉其屬七城

來降

顏奚結翻
降戶江翻

因以其地置西伊州

西伊州六年
改曰伊州

思

結部落饑貧朔州刺史新豐張儉招集之其不來者仍

居磧北

磧七
連翻

親屬私相往還儉亦不禁及儉徙勝州都

督州司奏思結將叛詔儉往察之儉單騎入其部落說

諭徙之代州即以儉檢校代州都督思結卒無叛者

騎奇

寄翻說式芮
翻辛子恤翻
儉因勸之營田歲大稔儉恐虜蓄積多有

異志奏請和糴以充邊儲部落喜營田轉力而邊備實

焉丙子開南蠻地置費州東州

二州皆漢牂柯郡之
地武德四年以恩州

寧夷縣置夷州貞觀元年廢是年復以思州之都上縣

開南蠻置夷州義泉郡隋之明陽郡地也費州涪川郡

隋黔安郡之涪川縣地是年分思州之涪川扶

陽并開南蠻置宋白曰費州因州界費水為名

上幸隴州

後魏分涇岐二州之地置東秦州大統十七年改隴州治汧源縣在長安西四百九十六

冬十一月壬辰以右衛大將軍侯君集為兵部尚

書參議朝政

甲子車駕還京師上讀明堂鍼灸書

云人五藏之系咸附於背

唐藝文志有黃帝明堂經明堂偃側人圖明堂人形圖明

堂孔穴圖皆鍼灸之書也藏祖浪翻鍼諸身翻灸居入翻

戊寅詔自今毋得笞囚背

十二月甲辰上獵於鹿苑

武德元年分京兆之高陵置鹿苑縣

乙巳還

宮 甲寅高昌王麴文泰入朝西域諸國咸欲因文泰

遣使入貢

朝直遙翻
使疏更翻

上遣文泰之臣厭怛紇于往迎之

厭於葉翻但當割翻
紇下沒翻

魏徵諫曰昔光武不聽西域送侍子置

都護以為不以蠻夷勞中國

事見四十三卷漢光武建武二十三年

今天

下初定前者文泰之來勞費已甚

此即謂文泰入唐境之時

今借使

十國入貢其徒旅不減千人邊民荒耗將不勝其弊若

聽其商賈往來與邊民交市則可矣

勝音升
賈音古

儻以賓客

遇之非中國之利也時厭怛紇于已行上遽令止之

諸宰相侍宴上謂王珪曰卿識鑒精通復善談論復狀又翻

玄齡以下卿宜悉加品藻且自謂與數子何如對曰攷

攷奉國知無不為臣不如玄齡才兼文武出將入相臣

不如李靖敷奏詳明出納惟允臣不如溫彥博處繁治

劇衆務卑舉臣不如戴胄

處昌呂翻治直之翻

心君不及堯舜以

諫爭為已任臣不如魏徵至於激濁揚清嫉惡好善

好呼

到翻臣於數子亦有微長上深以為然衆亦服其確論

確克

上之初即位也嘗與羣臣語及教化上曰今承大

翻角

亂之後恐斯民未易化也魏徵對曰不然久安之民驕佚驕佚則難教經亂之民愁苦愁苦則易化譬猶饑者易為食渴者易為飲也

孟子之言
易以政翻

上深然之封德彝非

之曰三代以還人漸澆訛故秦任法律漢雜霸道蓋欲化而不能豈能之而不欲邪魏徵書生未識時務若信其虛論必敗國家

敗補
邁翻

徵曰五帝三王不易民而化昔

黃帝征蚩尤顙頷誅九黎湯放桀武王伐紂皆能身致

太平

神農氏世衰蚩尤為暴虐黃帝征之禽殺蚩尤少皞氏衰九黎亂德顙頷誅之成湯放桀于南巢武

王毅紂
于牧野

豈非承大亂之後邪若謂古人淳朴漸至澆訛

則至於今日當悉化為鬼魅矣

郭音耶澆堅

人主安得

而治之上卒從徵言

治直之翻
卒子恤翻

元年關中饑米斗直絹

一匹二年天下蝗三年大水上勤而撫之民雖東西就食未嘗嗟怨是歲天下大稔流散者咸歸鄉里米斗不過三四錢終歲斷死刑繩三十九人東至於海南極五嶺皆外戶不閉

斷丁亂翻孔穎達曰外戶而不閉者扉從外闔也不閉者不用開閉之也重門

擊析木禦暴客既無盜竊亂賊則戶無俟于閉也但為風塵入寢故設扉耳無所捍拒故從外而掩也

行

旅不齎糧取給于道路焉上謂長孫無忌曰貞觀之初
上書者皆云人主當獨運威權不可委之臣下又云宜
震耀威武征討四夷唯魏徵勸朕偃武修文中國既安
四夷自服朕用其言今頡利成擒其酋長並帶刀宿衛
部落皆襲衣冠徵之力也但恨不使封德彝見之耳封德
彝薨于徵再拜謝曰突厥破滅海內康寧皆陛下威德

元年 證翻稱兄則其功豈
臣何力焉上曰朕能任公公能稱所任

獨在朕乎房玄齡奏閻府庫甲兵遠勝隋世上曰甲

兵武備誠不可闕然煬帝甲兵豈不足邪卒亡天下

卒子

恤翻若公等盡力使百姓乂安此乃朕之甲兵也上謂

秘書監蕭環曰卿在隋世數見皇后乎

隋煬帝蕭后環同產也故帝問

及之數所角翻對曰彼兒女且不得見臣何人得見之魏徵曰

臣聞煬帝不信齊王恒有中使察之

煬帝猜防齊王暕事略見隋紀恒戶

登翻使疏

聞其宴飲則曰彼營何事得遂而喜聞其憂悴

醉泰翻

則曰彼有他念故爾父子之間且猶如是况他人乎上笑曰朕今視楊政道勝煬帝之於齊王遠矣環

之兄也

高瑞

西突厥肆葉護可汗既先可汗之子為

衆所附莫賀咄可汗所部酋長多歸之

厥九勿翻可從
刊入聲汗音寒

咄當沒翻首慈由翻長知兩翻肆葉護引兵擊莫賀咄莫賀咄兵敗逃

於金山為泥熟設所殺諸部共推肆葉護為大可汗

肆葉

護與莫賀咄相攻事始上二年

五年春正月詔僧尼道士致拜父母

尼女夷翻

癸酉上大

猶於昆明池四夷君長咸從

長知兩翻從才用翻

甲戌宴高昌王

文泰及羣臣丙子還宮親獻禽于大安宮癸未朝集

使趙郡王孝恭等上表以四夷咸服請封禪

朝直還翻
上時掌翻

上手詔不許

此元正朝集既畢時歸者唐制凡天下朝集使皆以十月二十五日至京師十一月

一日戶部引見訖於尚書省與羣官禮見然後集于考堂應考績之事元日陳其貢篚於殿庭朝直還翻使疏

吏翻有司上言皇太子當冠用二月吉請造兵備儀仗

上時掌翻冠古玩翻唐皇太子

上曰東作方興宜改用十

子冠禮詳見新書禮樂志

月少傅蕭瑀奏據陰陽不若二月

少始照翻

上曰吉凶在人

若動依陰陽不顧禮義吉凶得乎循正而行自與吉會

農時最急不可失也 二月甲辰詔諸州有京觀處

觀古

玩翻無問新舊宜悉剗削加土為墳掩蔽枯朽勿令暴露

己酉封皇弟元裕為鄧王

鄧古外翻

元名為譙王靈夔為

魏王元祥為許王元曉為密王庚戌封皇子愔為梁王
惲為鄭王

愔於今翻惲於
粉翻鄭音談

貞為漢王治為晉王慎為申

王囂為江王簡為代王

夏四月壬辰代王簡薨 壬

寅靈州斛薛叛

斛薛部內附處之靈州今叛

任城王道宗追擊破之

任音

隋末中國人多沒於突厥

厥九勿翻

及突厥降上遣

使以金帛贖之

降戶江翻使
疏吏翻下同

五月乙丑有司奏凡得男

女八萬口

六月甲寅太子少師新昌貞公李綱薨初

周齊王憲女孀居無子綱贍恤甚厚綱薨其女以父禮

喪之

李綱先為齊王憲參軍事見一
百七十三卷陳宣帝大建十年

秋八月甲辰遣

使詣高麗

麗力知翻

收隋氏戰亡骸骨葬而祭之 河內人

李好德得心疾妄為妖言

好呼到翻
於驕翻

詔按其事大理丞

張蘊古奏好德被疾有徵

微明也證也驗也
皮義翻下同

法不當坐

治書侍御史權萬紀劾奏蘊古貴在相州

貴鄉籍也治直之翻勅戶

好德之兄厚德為其刺史情在阿縱按事

槩翻入戶得
翻相息亮翻

不實上怒命斬之於市既而悔之因詔自今有死罪雖令即決仍三覆奏乃行刑權萬紀與侍御史李仁發俱以告訐有寵於上許居謁翻由是諸大臣數被譴怒數所角翻魏徵諫曰萬紀等小人不識大體以訐為直以謗為忠陛下非不知其無堪蓋取其無所避忌欲以警策羣臣耳而萬紀等挾恩依勢逞其姦謀凡所彈射射而亦翻皆非有罪陛下縱未能舉善以厲俗奈何昵姦以自損乎昵尼質翻魏上默然賜絹五百匹久之萬紀等姦狀自露皆得罪為帝

疎權萬
紀張本

九月上修仁壽宮更名曰九成宮又將修洛

陽宮民部尚書戴胄表諫以亂離甫爾百姓彫弊帑藏空虛若營造不已公私勞費殆不能堪更工衡翻
藏徂浪翻上嘉

之曰戴胄於我非親但以忠直體國知無不言故以官

爵酬之耳久之竟命將作大匠竇璡修洛陽宮璡鑿池

築山彫飾華靡上遽命毀之免璡官

璡將鄰翻
又則刃翻

冬十

月丙午上遂免於後苑

唐長安苑城袤遠色漢長安故城在其中程大昌曰唐太極宮

之北有內苑有禁苑太極宮居都城之北內苑又居宮北禁苑又居內苑之北禁苑廣矣西面全包漢之都城

東抵霸水其西南兩面擡出太極宮前與承天門相齊
承天門之西排列三門皆禁苑之門也曰光化曰芳林
曰景耀六興曰禁苑在大内宮城之北北臨渭水東距澠川西盡都城其周一百二十里

左領軍將

軍執失思力諫曰天命陛下為華夷父母奈何自輕上
又將逐鹿思力脫巾解帶跪而固諫上為之止爲于
贊翻

初上令羣臣議封建魏徵議以為若封建諸侯則卿大夫咸資俸祿必致厚歛斂力
贊翻又京畿賦稅不多所資畿

外若盡以封國邑經費頓闊又燕秦趙代俱帶外夷燕
因

若有警急追兵內地難以奔赴禮部侍郎李百藥以

肩翻

為運祚修短定命自天堯舜大聖守之而不能固漢魏

微賤拒之而不能却今使勲戚子孫皆有民有社易世

之後將驕淫自恣攻戰相殘害民尤深不若守令之迭

居也

字式人翻

中書侍郎顏師古以為不若分王諸子勿令

過大間

以州縣王子況王間古範翻

雜錯而居互相維持使各守

其境協力同心足扶京室為置官寮皆省司選用

為于偽翻

省司謂尚書省主者

法令之外不得擅作威刑朝貢禮儀具為條

式一定此制萬世無虞

朝直送翻

十一月詔皇家宗室及勲

賢之臣宜令作鎮藩部貽厥子孫非有大故毋或黜免所司明為條例定等級以聞 丁巳林邑獻五色鸚鵡

鸚鵡能言鳥也萬震南州志曰鸚鵡有三種一種白一
種青一種五色交州以南諸國盡有之白及五色者性
尤慧解陸佃埤雅鸚鵡人舌能言青羽赤喙蓋青者又
凡種也舊說衆鳥足趾前三後一其目下瞞上惟鸚
鵡四趾齊分兩瞞俱動如人目瞞九儉翻眼瞞也
眨眼則治翻目動也

丁卯新羅獻美女二人魏徵以為不宜受上喜曰林邑
鸚鵡猶能自言苦寒

思歸其國况二女遠別親戚乎并鸚鵡各付使者而歸

之使疏

倭國遣使入貢

倭烏
木翻

上遣新州刺史高表仁

持節往撫之表仁與具王爭禮不宣命而還

還從宣翻
又如字

丙子上祀圜丘

十二月太僕寺丞李世南開黨項

之地十六州四十七縣

竟底
朗翻

上謂侍臣曰朕以死刑

至重故令三覆奏蓋欲思之詳熟故也而有司須臾之

間三覆已訖又古刑人君為之徹樂減膳朕庭無常設

之樂然常為之不啖酒肉但未有著令又百司斷獄唯

據律文雖情在可矜而不敢違法其間豈能盡無冤乎

丁亥制决死囚者二日中五覆奏下諸州者三覆奏行

刑之日尚食勿進酒肉

為于偽翻斷丁亂翻唐尚食局屬殿中監有奉御直長掌御膳

內教坊及太常不舉樂

武德中置內教坊于禁中有內教博士太常寺有太樂署鼓吹

署

皆令門下覆視有據法當死而情可矜者錄狀以聞

由是全活甚衆其五覆奏者以決前一二日至決日又

三覆奏唯犯惡逆者一覆奏而已

隋立十惡之科四曰惡逆謂殴及謀殺祖

父母父母叔伯叔父姑母姑兄子外祖父母夫夫之祖父母父母者唐遵用之

己亥朝集使

利州都督武士彠等復上表請封禪

朝直選翻彊一號翻復扶又翻

不

許壬寅上幸驪山溫湯戊申還宮上謂執政曰朕

常恐因喜怒妄行賞罰故欲公等極諫公等亦宜受人諫不可以已之所欲惡人違之

惡鳥路翻

苟自不能受諫安

能諫人 康國求內附

康國即漢康居國一曰薩末鞬亦曰颯秣建元魏謂之悉萬斤

其王姓溫本月氏人始居祁連北昭武城為突厥所破稍南依葱嶺即有其地以昭武為姓示不忘本也

上

曰前代帝王好招來絕域以求服遠之名無益於用而糜弊百姓今康國內附儻有急難於義不得不救師行萬里豈不疲勞勞百姓以取虛名朕不為也遂不受謂侍臣曰治國如治病病雖愈猶宜將護儻遽自放縱病

復作則不可救矣今中國幸安四夷俱服誠自古所希

然朕日慎一日唯懼不終故欲數聞卿輩諫爭也

好呼到翻

難乃旦翻治直之翻後扶數所角翻爭讀曰諍

魏徵曰內外治安臣不以為

喜唯喜陛下居安思危耳

治直吏翻

上嘗與侍臣論獄魏

徵曰煬帝時嘗有盜發帝令於士澄捕之

於如字姓也出何承天姓

苑少涉疑似皆榜訊取服

少始洛翻榜音考

凡二千餘人帝悉

令斬之

令力丁翻

大理丞張元濟恆其多試尋其狀內五人

嘗為盜餘皆平民竟不敢執奏盡殺之上曰此豈唯煬

帝無道其臣亦不盡忠君臣如此何得不亡公等宜戒
之 是歲高州總管馮盎入朝未幾羅竇諸洞獠反

竇州

漢端溪縣地隋為瀘州懷德縣武德四年置南扶州貞觀六年更名竇州取州界有羅竇洞為名朝直遙翻幾居豈翻竇魯皓翻

敕盎帥部落二萬為諸軍前鋒

帥讀曰率

竇數萬

人屯據險要諸軍不得進盎持弩謂左右曰盡吾此足知勝負矣連發七矢中七人

中竹仲翻

竇皆走因縱兵乘

之斬首千餘級上美其功前後賞賜不可勝數

勝音升

盎

所居地方二千里奴婢萬餘人珍貨充積然為治勤明

所部愛之

治直
吏翻

新羅王真平卒

卒子
恤翻

無嗣國人立其

女善德為王

資治通鑑卷一百九十三